



Broj: 01-16/23
Vareš, 31.01.2023. godine

Z A P I S N I K
sa 21. sjednice Općinskog vijeća Vareš,
održane 29.12. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibršimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 21. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, rukovodilac JURA – gosp. Rusmir Berberović, ispred Službe za privredu, finansije i trezor – gosp. Mirza Fatić i predstavnici medija.

Sekretar OV Leon Pavlović izvijestio je Vijeće da je na 20. sjednici OV održanoj 30.11.2022. godine, Vijeće je donijelo četiri (4) Zaključka koji su realizovani. Postavljeno je jedno (1) vijećničko pitanje. Na pitanje je odgovoreno. Podnosiocu pitanja i svim ostalim vijećnicima dostavljen je pisani odgovor na vijećničko pitanje. Podnesena je jedna (1) Inicijativa o preategorizaciji regionalne ceste R 444 Podlugovi-Breza-Vareš-Podkamensko i dionice regionalne ceste R 467 Podkamensko-Ribnica u magistralnu cestu. Ista je proslijeđena Direkciji za ceste i nadležnom ministarstvu i čeka se povratna informacija.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Vijećnik Dario Dodik dobio je odgovor na dodatno pitanje sa prošle sjednice OV, traži da mu se odgovori na pitanje u potpunosti u vezi sa Inicijativom za mali parking.

„Da li je pokrenut postupak, kaže se samo da će pokrenuti postupak javne nabavke izrade projekta za mali za onaj parking, koji sam inicirao prije dvije godine? Mene zanima da li je to stvarno i pokrenuto, jer je već dva mjeseca od kako sam postavio pitanje, a bio je urađen projektni zadatak? Da li se i to realiziralo u međuvremenu, a ako nije šta se čeka?“

(Vijećnička pitanja i Inicijative)

Amela Brkić

1. Veliki problem svih građana Vareša jeste rad odnosno nerad JP „Vareš-stana“, jer na bilo koju prijavu kvara ništa se ne uradi. Ako možete da mi odgovorite, koji je put da bi oni reagovali na svoje osnovne djelatnosti i rješenje problema građana Vareša?

Igor Hinger

2. Pitanje je usmjereno na Ministarstvo za prostorno uređenje, promet i komunikaciju i zaštitu okoline Ze-do kantona i Službu za prostorno uređenje Općine, a u vezi popravke rasvjete u tunelu na regionalnom putu R-444, Vareš-Ponikve, sanaciju plafona tunela i postavljanje zaštitnih mreža.

Maja Berberović

3. U prošloj godini kolega Igor Hinger je tražio Izvještaj o radu eko-policajca, pa bih zamolila ako može da nam se dostavi do sljedeće sjednice OV Izvještaj o radu eko-policajca za 2021. godinu i 2022. godinu.

Mirnes Ajanović

4. Problem urušenog potpornog zida iznad zgrade u ulici Glavica br.8.
Stanari su već više puta reagovali prema nadležnim službama općine Vareš, upućivali dopise, izlazila je i općinska inspekcija, tvrde da su iz kantona dobivena i sredstva za sanaciju ovog potpornog zida ali se mjesecima nikada ništa nije desilo, zemljište i dalje obrušeno i prijeti većim klizanjem zemljišta iznad ove zgrade.
Gdje je zapelo, zašto se ovaj problem stanara ne riješi i kada će biti izvršena sanacija ovog potpornog zida, da se ne desi neko veće klizanje zemljišta?

Općinski načelnik je izjavio da na pitanja na koje nije odgovorio, zadužit će pomoćnika Općinskog načelnika da se i pisanim putem odgovori također i na pitanja na koja nije u potpunosti odgovoreno.

Inicijativa

Igor Hinger

1. Inicijativa se odnosi na izgradnju, rekonstrukciju i prenamjenu objekta Kino u Centar za mlade a upućena je Načelniku i nadležnim općinskim službama.
(Inicijativa podnesena pisanim putem)

Predsjedavajuća OV stavila je na raspravu Zapisnik sa 20. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 20. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 20. sjednice OV.**

Predsjedavajuća OV stavila je na raspravu prijedlog dnevnog reda za **21. sjednicu OV** koji je usaglašen na Kolegiju Općinskog vijeća.

Predsjedavajuća OV upoznala je Vijeće da je Kolegij OV utvrdio da se dnevni red 21. sjednice OV dopuni sa tačkom „Prijedlog Odluke o općinskim komunalnim taksama“ dostavljen od strane Općinskog načelnika. O istom je dala pojašnjenje i predložila da gore navedenu tačku, Vijeće razmatra kao tačku 1. dnevnog reda 21. sjednice OV, a da se ostale tačke pomjere za jedno mjesto.

Nije više bilo učesnika i predsjedavajuća OV stavila je na izjašnjavanje prijedlog dnevnog reda 21. sjednice OV sa predloženom dopunom i nakon izjašnjavanja vijećnika konstatuje da je **jednoglasno sa 19 glasova „ZA“ usvojen sljedeći**

D n e v n i r e d

1. Prijedlog Odluke o općinskim komunalnim taksama.
Izvestilac: Općinski načelnik.
2. Prijedlog budžeta/proračuna Općine Vareš za 2023. godinu.
Izvestilac: Općinski načelnik.
3. Prijedlog Odluke o izvršenju budžeta/proračuna Općine Vareš za 2023. godinu.
Izvestilac: Općinski načelnik.
4. Prijedlog Odluke o privremenom finansiranju potreba Općine Vareš za period od 1. januara/siječnja – 31. marta/ožujka 2023. godine.
Izvestilac: Općinski načelnik.
5. Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulici Put mira i Perunska).
Izvestilac: Ermin Musa.
6. Prijedlog Odluke o povjeravanju na upravljanje i raspolaganje nišama za kontejnere JKP d.o.o. Vareš.
Izvestilac: Ermin Musa.
7. Prijedlog Odluke o vrijednosti boda komunalne naknade za 2023. godinu.
Izvestilac: Ermin Musa.
8. Prijedlog Rješenja
 - a) o razrješenju vršioca dužnosti predsjednika i vršioca dužnosti člana Upravnog odbora Javne ustanove Dom zdravlja Vareš,
 - b) o konačnom imenovanju predsjednika i člana Upravnog odbora Javne ustanove Dom zdravlja Vareš.Izvestilac: Sekretar OV.

9. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period 2022. do 2026. godine, broj 02-2088/22 od 15.12.2022. godine.
Izvestilac: Ermin Musa
10. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2023. godinu, broj: 02-2089/22 od 15.12.2022. godine.
Izvestilac: Ermin Musa.
11. Prijedlog Programa rada Općinskog vijeća Vareš za 2023. godinu.
Izvestilac: Sekretar OV.
12. Izvještaj o realizaciji Programa finansiranja komunalnih djelatnosti u 2022. godini.
Izvestilac: Ermin Musa.
13. Izvještaj o realizaciji Strategije razvoja lokalnih cesta i ulica u gradu i naseljima za period od 2022. do 2032. godine.
Izvestilac: Ermin Musa
14. Informacija o zaključenim ugovorima i finansijskim pokazateljima po osnovu provođenja Odluke o davanju u zakup stanova Općine Vareš.
Izvestilac: Ermin Musa.
15. Informacija o realizaciji projekata infrastrukture na području općine Vareš za 2022. godinu.
Izvestilac: Ermin Musa
16. Informacija o provedenim aktivnostima u oblasti poljoprivrede na području općine Vareš za 2022. godinu.
Izvestilac: Dragan Orozović.
17. Informacija o provedenim Općim izborima u BiH koji su održani 02.10.2022. godine na području općine Vareš.
Izvestilac: Predsjednik OIK-e Vareš.
18. Tekuća pitanja.

Ad. 1.

(Prijedlog Odluke o općinskim komunalnim taksama.)

Otvorena je rasprava u kojoj su učestvovali vijećnik Dario Dodik (*skrenuo pažnju na tarifni broj 6. koji se odnosi na ugostitelje, odnosno na „boravišnu taksu“, usvojen je Zakon o turizmu ZDK i odluka o visini boravišne takse je predana Turističkom vijeću koje treba biti formirano, mišljenja je da Vijeće sad nije zakonom ovlašteno da donosi boravišnu taksu i da se to provjeri prije donošenja ovakve Odluke. O istom je dao pojašnjenje*), Mirza Fatić (*ispred predlagača izjavio je u slučaju da je Zakon odredio nešto drugo, **tarifni broj 6. može se sada izbaciti iz Odluke, a u nekom narednom periodu da se urade izmjene i dopune Odluke i ponovo ubaci tarifni broj 6. koji se odnosi na boravišne takse, a sve u skladu sa zakonom***

koji reguliše tu materiju a da se Vijeće na današnjoj sjednici izjasni o Prijedlogu Odluke o općinskim komunalnim taksama bez tarifnog broja 6. O istom je dao pojašnjenje.)

Predsjedavajuća OV na osnovu rasprave predložila je da se Vijeće na današnjoj sjednici izjasni o Prijedlogu Odluke o općinskim komunalnim taksama iz koje se izbacuje tarifni broj 6., a da se u slučaju potrebe i nadležnosti OV urade u narednom periodu izmjene i dopune Odluke.

Predsjedavajuća OV stavila je na izjašnjavanje Prijedlog Odluke o općinskim komunalnim taksama sa prihvaćenom izmjenom (bez tarifnog broja 6.).

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojena**

Odluka o općinskim komunalnim taksama.

Ad. 2.

(Prijedlog Budžeta/proračuna Općine Vareš za 2023. godinu.)

Komisija za privredu, finansije i budžet na 10. sjednici održanoj 23.12.2022. godine jednoglasno je donijela sljedeći Zaključak:

- Komisija prihvata Prijedlog Budžeta/proračuna Općine Vareš za 2023. godinu i isti upućuje Vijeću na razmatranje.

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali: zamjenik predsjedavajuće OV Mirnes Ajanović (uz dato pojašnjenje ispred Kluba vijećnika SDP predložio je da se u Budžetu Općine Vareš za 2023. godinu *stavka „poticaj za poljoprivrednu proizvodnju“ sa planiranih 45.000 KM poveća na iznos od 90.000 KM, beneficija socijalne zaštite – subvencije porodiljama sa planiranih 7.000 KM poveća na 14.000 KM, pošto je u Budžetu već uvršteno povećanje za isplatu porodiljama na 10.000 KM izjavio je da prihvata to povećanje i da Klub SDP odustaje od prijedloga da se poveća na 14.000 KM*), Dario Dodik (tražio je da se poveća iznos za rekonstrukciju cesta i mostova, on je sada u ovom novom prijedlogu smanjen za 20.000 KM, traži pojašnjenje o istom), Emir Islamović (*izjavio je ispred Kluba vijećnika SDA da Klub prihvata predloženi Prijedlog Budžeta za 2023. godinu*) i Mirza Fatić ispred predlagača (*izjavio je da će amandman Kluba SDP biti uvažen od strane Načelnika, naći će se ekonomski kod na kojem će se smanjiti sredstva i povećati poticaj poljoprivredne proizvodnje onoliko koliko bude se imalo prostora, dao je pojašnjenje vijećniku Dodiku da su sredstva smanjena jer je djelomično usvojen amandman SDA da se smanji ekonomski kod 821612 i da se ubaci investiciono održavanje zgrada*).

Zaključena je rasprava i predsjedavajuća OV stavila je na izjašnjavanje Prijedlog Budžeta/proračuna Općine Vareš za 2023. godinu sa prihvaćenim amandmanima.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

Budžet/proračun Općine Vareš za 2023. godinu.

Općinski načelnik Zdravko Marošević u svom obraćanju zahvalio se Vijeću na usvajanju Budžeta.

Ad. 3.

(Prijedlog Odluke o izvršenju budžeta/proračuna Općine Vareš za 2023. godinu.)

Komisija za privredu, finansije i budžet na 10. sjednici održanoj 23.12.2022. godine jednoglasno je donijela sljedeći Zaključak:

- **Komisija prihvata Prijedlog Odluke o izvršenju budžeta/proračuna Općine Vareš za 2023. godinu i isti upućuje Vijeću na razmatranje.**

Komisija za statutarna pitanja i propise na 17. sjednici održanoj 22.12.2022. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izvršenju budžeta/proračuna Općine Vareš za 2023. godinu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o izvršenju budžeta/proračuna Općine Vareš za 2023. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Nurdin Begović) **usvojena**

Odluka o izvršenju budžeta/proračuna Općine Vareš za 2023. godinu.

Ad.4.

(Prijedlog Odluke o privremenom finansiranju potreba Općine Vareš za period od 1. januara/siječnja – 31. marta/ožujka 2023. godine.)

Ovlašteni predlagач Općinski načelnik Zdravko Marošević povukao je ovu tačku sa dnevnog reda jer je usvojen Budžet/proračun Općine Vareš za 2023. godinu.

Ad.5.

(Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulici Put mira i Perunska).

Komisija za statutarna pitanja i propise na 17. sjednici održanoj 22.12.2022. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulici Put mira i Perunska) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik podsjetio na svoj prijedlog sa ranijih sjednica da se radi građana Javni oglasi za nadmetanje objave i na Radiju Bobovac.

Predsjedavajuća OV je konstatovala da će se ***Javni pozivi za nadmetanje u vezi prodaje nekretnina u vlasništvu Općine Vareš objavljivati i na Radiju Bobovac.***

Zaključena je rasprava i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulici Put mira i Perunska).

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Nurdin Begović) **usvojena**

Odluka o načinu i uslovima raspolaganja nekretninama u vlasništvu Općine Vareš (stambene jedinice u ulici Put mira i Perunska).

Ad.6.

(Prijedlog Odluke o povjeravanju na upravljanje i raspolaganje nišama za kontejnere JKP d.o.o. Vareš.)

Komisija za statutarna pitanja i propise na 17. sjednici održanoj 22.12.2022. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o povjeravanju na upravljanje i raspolaganje nišama za kontejnere JKP d.o.o. Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*skrenuo pažnju da je na nišama plastični krov a u zimskom periodu se dešava da zbog nemarnosti pojedinih građana, odnosno istresanja pepela, dolazi do zapaljenja otpada u kontejnerima, u vezi s tim moli da se ubuduće kad se nešto radi razmišlja o svim mogućim posljedicama, sugeriše ako postoji mogućnost da se na nišama urade ekološke poruke, o istom je dao pojašnjenje*), Dodik Dario (*mišljenja je da je iznos za tri niše za kontejnere previsok, uz dato pojašnjenje sugeriše da se ograniči cijena u javnim pozivima*), Asmir Čizmo (*skrenuo pažnju na zid iza niša u ul. Zvijezda kod kamenog mosta, zid je u visini trotoara i predstavlja opasnost za prolaznike i djecu, sugeriše da se taj zid odigne ili stavi zaštitna ograda*), Općinski načelnik Zdravko Marošević (*dao je pojašnjenje da je ovo procedura kojem se niše prenose na korištenje i upravljanje JKP d.o.o. Vareš, novac za iste je dobiven i opravdan, slaže se da je cijena previsoka i podržava prijedlog vijećnika Hingera da se na nišama postave ekološke poruke, o istom je dao pojašnjenje*) i predsjedavajuća OV Mahira Brkić (*podržava prijedlog vijećnika Dodika da se ubuduće vodi računa tamo gdje može, o ograničenju pojedinih cifara u javnim pozivima za nadmetanje, na osnovu izlaganja vijećnika Dodika i Načelnika i ideje za izradu niša i obavljanja drugih poslova, podsjetila je prisutne da je i ranije konstatovano da JP*

Vareš-stan d.o.o. Vareš ima velikih problema i da bi najidealnije bilo proširenje djelatnosti i da na taj način izađu na tržište rada, o istom je dala pojašnjenje i izjavila da bi to bila idealna inicijativa i da neko od vijećnika u dogledno vrijeme istu i predloži).

Zaključena je rasprava i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolaganje nišama za kontejnere JKP d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Nazif Hajrić i Nurdin Begović) **usvojena**

***Odluka o povjeravanju na upravljanje
i raspolaganje nišama za kontejnere JKP d.o.o. Vareš.***

Ad.7.

*(Prijedlog Odluke o vrijednosti
boda komunalne naknade za 2023. godinu.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o vrijednosti boda komunalne naknade za 2023. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“** (odsutni vijećnici: Nurdin Begović, Nazif Hajrić i Salih Memić) **usvojena**

***Odluka o vrijednosti
boda komunalne naknade za 2023. godinu.***

Predsjedavajuća OV skrenula je pažnju vijećnicima na korištenje individualnih pauza.

Ad.8.

(Prijedlog Rješenja

- a) o razrješenju vršioca dužnosti predsjednika i vršioca dužnosti člana Upravnog odbora Javne ustanove Dom zdravlja Vareš,*
- b) o konačnom imenovanju predsjednika i člana Upravnog odbora Javne ustanove Dom zdravlja Vareš.)*

Izvjestilac nije imao dodatno pojašnjenje za ovu tačku dnevnog reda.

Predsjedavajuća OV otvorila je raspravu o Prijedlogu Rješenja o razrješenju vršioca dužnosti predsjednika i vršioca dužnosti člana Upravnog odbora Javne ustanove Dom zdravlja Vareš.

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršioca dužnosti predsjednika i vršioca dužnosti člana Upravnog odbora Javne ustanove Dom zdravlja Vareš.

Nakon izjašnjavanja vijećnika predsjedavajuća OV konstatuje da **je jednoglasno sa 15 glasova „ZA“** (odsutni vijećnici: Igor Hinger, Nurdin Begović, Salih Memić i Edib Zubača) **usvojeno**

Rješenje o razrješenju vršioca dužnosti predsjednika i vršioca dužnosti člana Upravnog odbora Javne ustanove Dom zdravlja Vareš.

Predsjedavajuća OV konstatuje da ubuduće ko od vijećnika napusti sjednicu duže od 5 minuta, a da se prethodno nije javio, bit će prozvan imenom i prezimenom.

Predsjedavajuća OV otvorila je raspravu o Prijedlogu Rješenja o konačnom imenovanju predsjednika i člana Upravnog odbora Javne ustanove Dom zdravlja Vareš.

U raspravi su učestvovali vijećnici: Mirnes Ajanović (*izjavio je da će iz kolegijalnih razloga podržati ovo Rješenje ali smatra da bi na ovoj sjednici trebalo donijeti neki zaključak da do isteka mandata trenutnog saziva OV, ne bude daljeg imenovanja vijećnika u upravne odbore i da se vijećnici suzdrže od imenovanja u upravne odbore iz etičkih razloga, o istom je dao pojašnjenje*), predsjedavajuća OV Mahira Brkić (*skrenula je pažnju da je Zakonom o sukobu interesa ova materija decidno urađena i da su u sukobu interesa imenovanja u uprave, upravne odbore, nadzorne odbore samo imenovanja koja se odnose na javna preduzeća a ne na javne ustanove, također je izjavila da Vijeće u skladu sa navedenim Zakonom nema nadležnosti za donošenje zaključka koji je tražio zamjenik predsjedavajuće*) sekretar OV Leon Pavlović (*upoznao je prisutne da je Općina dobila zvanično Tumačenje da u sukobu interesa nije izabrani zvaničnik/vijećnik i član upravnog odbora javne ustanove. U sukobu interesa je izabrani zvaničnik/vijećnik ako se bira u skupštinu i nadzorni odbor javnog preduzeća. Ovdje nema sukoba interesa, ovdje je samo pitanje individualne moralnosti*), Emir Islamović (*uz dato pojašnjenje izjavio je da će Klub vijećnika SDA biti suzdržan prilikom izjašnjavanja po ovom Rješenju*), Amela Brkić, Mirnes Ajanović (*replika*) i Općinski načelnik Zdravko Marošević.

Zaključena je rasprava i predsjedavajuća OV stavila je na izjašnjavanje Prijedlog Rješenja o konačnom imenovanju predsjednika i člana Upravnog odbora Javne ustanove Dom zdravlja Vareš.

Nakon izjašnjavanja vijećnika predsjedavajuća OV konstatuje da je **sa 11 glasova „ZA“ i 6 „SUZDRŽANIH“ glasova** (odsutni vijećnici Igor Hinger i Salih Memić) **usvojeno**

Rješenje o konačnom imenovanju predsjednika i člana Upravnog odbora Javne ustanove Dom zdravlja Vareš.

Ad.9.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period 2022. do 2026. godine, broj 02-2088/22 od 15.12.2022. godine.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period 2022. do 2026. godine, broj 02-2088/22 od 15.12.2022. godine

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

Zaključak o davanju saglasnosti na Program rekonstrukcije, izgradnje i obnove lokalnih cesta i ulica za period 2022. do 2026. godine, broj 02-2088/22 od 15.12.2022. godine.

Ad.10.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2023. godinu, broj: 02-2089/22 od 15.12.2022. godine.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik (podsjetio prisutne da je na prošloj sjednici OV tražio da se poveća iznos za investicije/popravke i rekonstrukcija ulica u gradu, to je urađeno djelomično. Mišljenja je da je grad zapostavljen i očekuje. Načelnik je obećao da će se u narednom periodu raditi na investiranju u gradskoj zoni i u vezi toga vijećnik traži da se obećano ispuni.)

Zaključena je rasprava i predsjedavajuća OV stavila je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2023. godinu, broj: 02-2089/22 od 15.12.2022. godine.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

Zaključak o davanju saglasnosti na Program rekonstrukcije, izgradnje i obnove lokalnih cesta i ulica za 2023. godinu, broj: 02-2089/22 od 15.12.2022. godine

Ad.11.

(Prijedlog Programa rada Općinskog vijeća Vareš za 2023. godinu.)

Sekretar OV Leon Pavlović izvijestio je Vijeće da je Kolegij OV utvrdio Prijedlog Programa rada Općinskog vijeća Vareš za 2023. godinu. Uz prijedlog Programa vijećnicima je dostavljen i prilog u kome su navedeni normativni i tematski akti koji službe nisu predložile za uvrštavanje u prijedlog Programa, a bile su u Programu rada za 2022. godinu. Uz dato pojašnjenje predložio je da Vijeće usvoji Program sa dostavljenim prilogom.

Predsjedavajuća OV upoznala je prisutne da je Kolegij OV utvrdio da se Prijedlog Programa rada OV za 2023. godinu dopuni u normativnom dijelu sa Prijedlogom Odluke o izmjeni Odluke o naknadama vijećnika i članova radnih tijela OV Vareš. Isti da se razmatra u I kvartalu 2023. godine.

Otvorena je rasprava u kojoj su učestvovali vijećnik Dodik (*podsjetio na potrebu izrade Odluke o naknadama za porodilje*) i sekretar OV koji je izjavio da će navedena Odluka biti urađena i da će se Vijeću dostaviti na razmatranje i bez uvrštavanja u Program.

Zaključena je rasprava i predsjedavajuća OV stavila je na izjašnjavanje Prijedlog Programa rada Općinskog vijeća Vareš za 2023. godinu sa prilogom kao dopunom.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

Program rada Općinskog vijeća Vareš za 2023. godinu.

Predsjedavajuća OV dala je pauzu u trajanju 30 minuta.
Nastavljeno je sa radom današnje sjednice.

Ad.12.

(Izveštaj o realizaciji Programa finansiranja komunalnih djelatnosti u 2022. godini.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o realizaciji Programa finansiranja komunalnih djelatnosti u 2022. godini.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Igor Hinger) **usvojen**

Izveštaj o realizaciji Programa finansiranja komunalnih djelatnosti u 2022. godini.

Ad.13.

(Izveštaj o realizaciji Strategije razvoja lokalnih cesta i ulica u gradu i naseljima za period od 2022. do 2032. godine.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o realizaciji Strategije razvoja lokalnih cesta i ulica u gradu i naseljima za period od 2022.-do 2032. godine.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Igor Hinger) **usvojen**

Izvještaj o realizaciji Strategije razvoja lokalnih cesta i ulica u gradu i naseljima za period od 2022. do 2032. godine.

Ad.14.

(Informacija o zaključenim ugovorima i finansijskim pokazateljima po osnovu provođenja Odluke o davanju u zakup stanova Općine Vareš.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o zaključenim ugovorima i finansijskim pokazateljima po osnovu provođenja Odluke o davanju u zakup stanova Općine Vareš.

Ad.15.

(Informacija o realizaciji projekata infrastrukture na području općine Vareš za 2022. godinu.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o realizaciji projekata infrastrukture na području općine Vareš za 2022. godinu.

Ad.16.

(Informacija o provedenim aktivnostima u oblasti poljoprivrede na području općine Vareš za 2022. godinu)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o provedenim aktivnostima u oblasti poljoprivrede na području općine Vareš za 2022. godinu.

Ad.17.

*(Informacija o provedenim Općim izborima u BiH
koji su održani 02.10.2022. godine na području općine Vareš.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provedenim Općim izborima u BiH
koji su održani 02.10.2022. godine na području općine Vareš.***

Ad.18.

(Tekuća pitanja.)

Predsjedavajuća OV upoznala je prisutne sa pristiglom poštom i to:

1. Presuda Ustavnog suda FBiH broj. U-21/22 od 26.10.2022. godine u vezi Odluke o općinskim komunalnim taksama.

Sekretar OV podsjetio je prisutne da je se Presuda odnosi na Odluku o općinskim komunalnim taksama koju je Vijeće donijelo na današnjoj sjednici OV. Nadležna Služba u obavezi ima da obavijesti Ustavni sud da je implementirana Odluka.

Predsjedavajuća OV u ime Općinskog vijeća Vareš i u svoje lično ime čestitala je svim građanima predstojeće novogodišnje praznike i uputila je svim građanima pravoslavne vjeroispovijedi čestitke za Božić.

Sastavni dio ovog Zapisnika je audio zapis sjednice.

Sjednica je završena u 16.15 sati.

S E K R E T A R

Leon Pavlović

ZAPISNIČAR

Azra Pijadžer

**PREDSDJEDAVAJUĆA
OPĆINSKOG VIJEĆA**

Mahira Brkić